

Broj: 0602-1668-16/26
Sarajevo: 29.07.2026. god.

Na osnovu člana 69. stav 1 tačka b) i člana 70. st. (1) i (4) Zakona o javnim nabavkama („Službeni glasnik BiH“ br: 39/14, 59/22 i 50/24) i člana 43 i 47 Statuta KJKP „POKOP“ d.o.o., Direktor d o n o s i

ODLUKU

o poništenju postupka javne nabavke
po Konkurentskom zahtjevu
Nabavka usluga revizije seta finansijskih izvještaja

Član 1.

Poništava se postupak javne nabavke – konkurentski zahtjev za dostavljanje ponuda za nabavku usluga revizije seta finansijskih izvještaja, objavljen na Portalu javnih nabavki pod brojem obavještenja 775-7-2-68-3-79/26 dana 10.07.2026. godine, na osnovu člana 69. stav (3) Zakona o javnim nabavkama („Službeni glasnik BiH“, br. 39/14, 59/22 i 50/24)

Član 2.

U skladu sa članom 70. stav 6. Zakona KJKP „POKOP“ d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

Obrazloženje

KJKP „POKOP“ d.o.o. Sarajevo je, u skladu sa članom 88. Zakona o javnim nabavkama („Službeni glasnik BiH“, br. 39/14, 59/22 i 50/24), pokrenuo postupak javne nabavke putem konkurentskog zahtjeva za dostavljanje ponuda za nabavku usluga revizije seta finansijskih izvještaja.

Obavještenje o nabavci broj: 775-7-2-68-3-79/26 objavljeno je dana 10.07.2026. godine na Portalu javnih nabavki i u „Službenom glasniku BiH“ broj 50/26 od 17.07.2026. godine.

Kriterij za dodjelu ugovora u predmetnom postupku javne nabavke je ekonomski najpovoljnija ponuda.

Na osnovu objavljenog Obavještenja o nabavci i tenderske dokumentacije, izvršeno je javno otvaranje ponuda dana 27.07.2026. godine u 10:30 sati u prostorijama KJKP „POKOP“ d.o.o. Sarajevo, ulica Mula Mustafe Bašeskije 38, Sarajevo, o čemu je sačinjen Zapisnik sa otvaranja ponuda, u skladu sa odredbama Zakona o javnim nabavkama.

Komisija za javne nabavke je na javnom otvaranju ponuda konstatovala da je u predmetnom postupku ponude dostavilo šest (6) ponuđača, i to:

- Address d.o.o. Sarajevo, Marka Marulića 2C, Sarajevo;
- Zuko d.o.o. Sarajevo, Džemala Bijedića 185, Sarajevo;
- Alfa revizija d.o.o. Banovići, Patriotske lige 7, Banovići;
- Orecons&Audit, Muftije Šemsekadića 14, Zenica;
- UHY Revident d.o.o. Mostar, Biskupa Čule bb, Mostar;
- Bilans d.o.o. Sarajevo, Ljubljanska 16A, Sarajevo.

Komisija je, u skladu sa članom 65. Zakona o javnim nabavkama, pristupila pregledu i ocjeni dostavljenih ponuda, o čemu je sačinjen Zapisnik o pregledu i ocjeni ponuda, koji čini sastavni dio ove Odluke.




Budući da su ponude ponuđača Alfa revizija d.o.o. Banovići, Orecons&Audit Zenica, UHY Revident d.o.o. Mostar i Bilans d.o.o. Sarajevo, nakon izvršenog pregleda i ocjene ponuda, ostvarile isti broj bodova prema kriteriju za dodjelu ugovora – ekonomski najpovoljnija ponuda, ugovorni organ nije u mogućnosti izvršiti rangiranje ponuda, niti utvrditi najpovoljniju ponudu.

Imajući u vidu navedenu činjenicu, odnosno da ne postoji mogućnost izvršenja izbora najpovoljnije ponude i dodjele ugovora, stekli su se uslovi za poništenje postupka javne nabavke u skladu sa članom 69. stav (3) Zakona o javnim nabavkama („Službeni glasnik BiH“, br. 39/14, 59/22 i 50/24), zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Na osnovu navedenog odlučeno je kao u članu 1. ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, u roku od 5 (pet) dana od dana prijema ove Odluke.



Prilog:

- Kopija zapisnika o pregledu i ocjeni ponuda

DOSTAVITI:

1. Ponuđačima x 6;
2. Nadležnoj službi;
3. a/a.

Sačinila

Kontrolu izvršic